

Ti bu laj yich' lok'esel li stak'obiltak li ta Jkuxlejaltik xchi'uk Kabteltik sventa Dios, programa xchi'uk bu chijts'ibaj

7-13 YU'UN SEPTIEMBRE

**K'USITIK K'UPIL SBA TA VIVLIA | EKSODO
23, 24**

«Mu me jts'aklitik li epal krixchanoetike»

w18.08 paj. 4 par. 7, 8

¿Mi jna'oxtik lek ti ja' jech k'ot ta pasele?

⁷ ¿Mi lek chka'itik stakbel ech'el koreo elektroniko o mensajeetik li kamigotik xchi'uk li buch'utik xkojtikintike? K'alal oy junuk a'yej o junuk lo'il ti labal sba laj ka'itike, ¿mi vo'otik xa ba'yel ta jk'an chkalbetik li yantike? K'alal mu'yuk to ta jtaktik batel junuk koreo elektroniko o junuk mensajee, xi sk'an jak'be jbatike: «¿Mi jna'oxtik lek ti melel skotol li k'usi laj ka'ie? ¿Mi jna'oxtik lek ti ja' jech k'ot ta pasele?». Mi mu jna'tik mi jech ta melele, xu' van ta jpuktik batel jun jeche' a'yej ta stojolal li kermanotaktike. Jech oxal, ja' lek jtup'tik xchi'uk ti mu jtaktik batele.

⁸ Toj xibal sba k'alal anil ta jcha'taktik batel koreoetik o mensajeetik ti mu jna'tik mi melele. Ta junantik lumetike mu x-ak'bat spas lek yabtelik li stestigotak Jeovae o xu' van mu xak'ik ta j-ech'el, ja' yu'un tspukik jeche' a'yejetik sventa stik'ik xi'el ta ko'ontontik o ti mu xa jpat ko'ontontik ta jujuntale. Taje ja' jech k'ot ta pasel li ta Unión Sovieticae, li polisiaetik ti ta mukul ch-abtejike (ti KGB sbiike) lik yalik ti laj la svalopatinik komel stestigotak Jeova junantik ermanoetik ti lek ojtinibilate. Ep buch'u la xch'un xchi'uk laj yiktaik li s-organisasion Jeovae. Ak'o mi jech, oy ono'ox buch'u sutik talel, pe ep tajek ti mu'yuk xa sutik tal ta skoj ti ch'ay li xch'unel yo'ontonike (1Tim 1:19). ¿K'usi sk'an jpastik yo' mu jechuk xk'ot ta jtojolaltike? Sk'an mu jcha'taktik li koreoetik o mensajeetik ti mu spat o'ontonal o ti mu jna'tik mi jech ta melele. Sk'an mu

xkak' jbatik ta lo'lael; mu jch'untik skotol k'usi chkich'tik albele xchi'uk jk'eltik ba'yel mi jech ta melel.

it-1 paj. 11 par. 4

Aaron

Li oxkoj k'usi chopol la spasik krixchanetike jamaal xvinaj ti ma'uk la slikes li Aarone, ja' ta skoj ti la xch'un sujel yu'un li krixchanoetike. Va'un, la spas li k'usi mu'yuk tuk'e. Ti jech la spase, ja' mu'yuk la xch'un li mantal li'e: «Mu me xats'akli batel epal krixchanoetik sventa xapas li k'usi chopole» (Eks 23:2). Ak'o mi jech, lek laj yich' albel sk'opla li ta Vivliae. Li Xnich'on Dios eke laj yal ti sta-o lek ti tun ta paleal li Aarone (Sl 115:10, 12; 118:3; 133:1, 2; 135:19; Mt 5:17-19; 8:4).

it-1 paj. 454 par. 2

Tup'em satik

K'alal tup'em satik xie, ja' sk'an xal ti mu'yuk tuk' chchapanvanike. Li ta Mantaletike ep ta velta chal ti mu'yuk lek li buch'u chchon sba ta tak'ine, ti tsatsak matanale o ti cht'ujvanike, mi jech tsapasike, li jchapanvanejetike mu'yuk xa lek tuk' chchapanvanik, yu'un «li chonbail ta tak'ine tsapas yu'un ta ma'sat li buch'u lek xil osile» (Eks 23:8). Jech xtok, «tsapas yu'un ta ma'sat li buch'u p'ije» (Dt 16:19). Ak'o mi lek xtojob xchi'uk lek p'ij li jchapanvaneje, xu' me mu xa xak' venta k'usi tsapas ta skoj li matanal ch-ak'bate. Pe li smantal Diose chal ti tstrup' jsatik li matanal chkich'tik ak'bele xchi'uk xu' sjel ti k'u yelan chka'i jbatike, yu'un xi chale: «Mu me xk'uxubaj ta avo'onton li povre ta skoj no'ox ti povree o ti ja' xa lek chavil ti buch'u jk'uleje» (Le 19:15). Ja' yu'un, li jchapanvaneje sk'an lek xchapan li jk'uleje, yu'un mu'yuk lek ti tskolta ta skoj no'ox ti lek x-ile yu'un li krixchanoetike (Eks 23:2, 3).

Jsa'tik lek li k'usitik k'upil sba ta Vivliae

w16.10 paj. 9 par. 4

Jk'uxubintik me li jyanlumetike

⁴ Ma'uk no'ox laj yal Jeova ti sk'an xich'ik ta muk' jyanlumetik li j-israeletike, yu'un laj yalbe xtok ti sk'an svules ta sjolik ti k'u to'ox yelan laj ya'i sbaik eke (**k'elo Éxodo 23:9**). Ja' jech, k'alal mu'yuk to'ox bu ch-ochik ta mosoil ta Ejipto li j-israeletike, mu'yuk ono'ox lek ilatik yu'un li j-ejiptoetike (Jen 43:32; 46:34; Eks 1:11-14). Toj tsots laj ya'i j-israeletik k'alal batik ta yan lume. Ja' yu'un, vulesbat ta sjolik yu'un Jeova ti k'u yelan laj ya'i sbaike sventa xak' ta ilel slekil yo'ntonik ta stojolal li jyanlumetike (Lev 19:33, 34).

it-2 paj. 386 par. 8

Miguel

1. Ma'uk no'ox Gabriel chich' albel sk'opla li ta Vivliae, yu'un chalbe sk'opla jun anjel ti ch'ul xchi'uk ti ja' bankilal anjel chich' albel sk'opla (Jud 9). Li bu ba'yl chvinaj li sbie ja' ta kapitulo 10 ta slivroal Daniel chal ti ja' jun bankilal anjel ti tsots yabtel yich'oe xchi'uk ti bat skolta jun anjel ti tstsak sbaik ta k'op xchi'uk li bankilal ta Persiae. Li Miguele laj yich' biiltasel ta «bankilal ta skoltael» li steklumal Daniele (Da 10:13, 20, 21; 12:1). Jech xtok, chak' ta a'iel ti ja' Miguel ti la sbeiltas batel ta takixokol balumil li j-israeletike (Eks 23:20, 21, 23; 32:34; 33:2). Ti lik sk'opik xchi'uk ti laj yut sbaik li Diablo xchi'uk li bankilal anjel Miguel ta skoj li sbek'tal Moisese, chak' ta ilel ti ja' ono'ox Miguel ti buch'u beiltasvane (Jud 9).

14-20 YU'UN SEPTIEMBRE

**K'USITIK K'UPIL SBA TA VIVLIA | EKSODO
25, 26**

«Li k'usi toj tsots sk'opla li ta axibalnae»

it-1 paj. 179 par. 8

Xkaxail strato Jeova

Ti k'uyelan laj yich' pasel li xkaxail strato Jeovae. Li k'usi ba'yl laj yalbe Moises li

Jeovae ja' ti k'u yelan chich' meltsanel li axibalnae xchi'uk li kaxae. Yu'un ja' li k'usi mas tsots sk'opla chk'ot li ta axibalnae xchi'uk ta sventa li j-israeletike. Li kaxae xi smuk'ule, chib xuk'ubil xchi'uk j-o'lol snatil, jun xuk'ubil xchi'uk j-o'lol sjamlej, jun xuk'ubil xchi'uk j-o'lol li stayleje (111 sentimetro × 67 sentimetro × 67 sentimetro). Pasbil ta akasia te' xchi'uk pixbil lek ta bats'i oro ta yut xchi'uk ta spat. Jech xtok, ta oro pasbil li xnichimal ta sjoyobal li sti' kaxae. Li smak kaxae laj yich' pasel ta bats'i oro sjunul, ma'uk jech k'ucha'al li yantik ti ja' no'ox laj yich' pixel ta oro li te'e. Li ta smak kaxae te laj yich' ak'el chib kerubinetik ta oro ti tenbil ta martiyo xchi'uk te laj yich' ak'el jun ta jujujot sjol li ta smak kaxae ti snupoj sbaik chkom xchibalik, nijajtik yalel xchi'uk lich'il mu-yel li xik'ik sventa smak ta snak'obalik li smak kaxae (Eks 25:10, 11, 17-22; 37:6-9). Li ta grie-gó k'op k'alal «smak» xie, ja' chalbe sk'opla xtok li k'usi chak' jun krixchano sventa xch'aybat smul yu'un li Diose (Eks 25:17; Ebr 9:5, ts'ib ta yok vun; k'elo **CUBIERTA PROPICIATORIA**).

it-1 paj. 179 par. 11

Xkaxail strato Jeova

Li kaxae tun ta sk'ejobil junantik k'usitik ch'ul ti chtun sventa sk'elobil o svulesobil ta sjolike jech k'ucha'al li cha'pech tonetik ti te ts'i-babil li Lajuneb Mantaletik ti ja' li k'usi mas tsots sk'opla te tik'ile (Eks 25:16). Te tik'il xtok «li jarra pasbil ta oro ti yich'oj manae» xchi'uk «li snamte' Aaron ti laj yak' xnichimale», pe ta mas ts'akale, laj yich' lok'esel li k'usitik te k'ejbil k'alal jutuk xa'ox sk'an smeltsan templo li Salomone (Ebr 9:4; Eks 16:32-34; Nu 17:10; 1Re 8:9; 2Kr 5:10). K'alal jutuk xa ox sk'an xcham li Moisese, laj yak'be jlevietik ti ja' paleetik li skopial «slivroal Mantale» xchi'uk xi laj yalanbee: «Te xavak'ik ta xokon li xkaxail strato Jeova Dios avu'unike, ja' chk'ot ta testigo ti chal ti oy amulike» (Dt 31: 24-26).

it-1 paj. 180 par. 1

Xkaxail strato Jeova

Sk'elobil ti te oy li Diose. Ti k'u sjalil te oy li Kaxae laj yak' ta ilel ti te oy li Diose, yu'un xi jamal laj yale: «Ja' te chkak' jba ta ilel ta atojolal xchi'uk te ta jk'oponot tal ta sba li smak kaxae. Te chik'opoj tal ta o'lol ti bu oy li chib keruvinetik ta sba xkaxail [Mantale]», «yu'un te chkak' jba ta ilel ta jvol tok ta sba smak li Kaxae» (Eks 25:22; Le 16:2). Li Samuele laj ono'ox yal ti te chotol ta sba keruvinetik li Jeovae (1Sa 4:4). Li keruvinetike ja' sk'an xal li «skareta» Jeovae (1Kr 28:18). Ja' yu'un, «k'alal ch-och batel jujun velta ta karpana sventa tsobobbail li Moises sventa xchi'in ta lo'il li Diose, te chaibe yech'omal ye ta yak'ol smak li xkaxail Mantale, ti te chlik talel ta o'lol ti bu oy li chib keruvine, te chchi'nat ta lo'il yu'un li Diose» (Nu 7:89). Ta mas ts'akale, li Josue xchi'uk li bankilal pale Finease te la sk'oponik Jeova ta yeloval li Kaxae (Jos 7:6-10; Jue 20: 27, 28). Ja' no'ox li bankilal palee xu' x-och jun velta ta jabil li ta Bats'i Lekil Ch'ul Kuartoe xchi'uk ti tsk'el li Kaxae, ak'o mi ma'uk sventa tsk'opon li Jeovae, yu'un ja' sventa tspas li Sk'ak'alil Stael Pertone (Le 16:2, 3, 13, 15, 17; Ebr 9:7).

Jsa'tik lek li k'usitik k'upil sba ta Vivliae

it-2 paj. 773 par. 3

Keruvinetik

K'alal laj yich' pasel li axibalna ta takixokol balumile, oy k'usitik yan laj yich' pasel ti yich'oj slok'ol li keruvinetike. Li ta jujujot smak kaxae te laj yich' ak'el jujun keruvinetik ta oro ti tenbil ta martiyoe xchi'uk «snupoj sbaik chkom xchibalik xchi'uk nijajtik yalel satik ta smak li kaxae» sventa ch-ich'vanik ta muk'. Jech xtok, lich'il muyel xik'ik sventa smak ta snak'obalik li smak kaxae (Eks 25:10-21; 37:7-9). Li spok'al axibal na ti pasbil ta linoe xchi'uk li skortinail ta yut li axibalna ti bu Ch'ul xchi'uk li Bats'i

Lekil Ch'ul Kuartoe laj yich' luchbel slok'ol kerubinetik ek (Eks 26:1, 31; 36:8, 35).

it-2 paj. 592 par. 4

Pan chich' ak'el k'ucha'al matanal

Chich' ak'el 12 ta pech pan ta mexa ti te oy ti bu Ch'ule (ta ts'akale jech-o laj yich' pasel li ta temploe) ti chich' jelel jujun sabadoe (Eks 35: 13; 39:36; 1Re 7:48; 2Kr 13:11; Ne 10:32, 33). Mi jech tajek laj yich' jelubtasel k'ucha'al chal ta evreo li pan ti chich' ak'el k'ucha'al matanale, xi ta alele «pan sventa satil». K'alal «satil» xie, bateltike ja' sk'an xal «mu'yuk laj yikta komel» (2Re 13:23), jech oxal, k'alal chich' ak'el li pan k'ucha'al matanale xko'olaj ti te chich' ak'ilanel-o ta yeloval sat li Jeovae, yu'un ja' jun matanal ta stojolal (Eks 25:30). Li pan ti chich' ak'el k'ucha'al matanale chich' alel xtok ti ja' «li latsbil pane» (2Kr 2:4), «li pan ti ak'bil ta stojolal Diose» (Mr 2:26) o li pane (Ebr 9:2).

21-27 YU'UN SEPTIEMBRE

K'USITIK K'UPIL SBA TA VIVLIA | EKSODO 27, 28

«¿K'usi chak' jchantik ta sventa li sk'u' spok' paleetike?»

it-2 paj. 1175 par. 6

Urim xchi'uk Tumim

Li buch'utik chchanbeik sk'oplal Vivliae chalik ti Urim xchi'uk Tumime ja' sventa «tsk'elik suerteik» (Eks 28:30, LT, ts'ib ta yok vun). Junantike chalik ti oxjot sate, li ta jote xi ts'i-babile «mo'oj» li ta yane «tana», pe li jot xtoke mu'yuk k'usi ts'ibabil. Li k'usi ba'yal chvinaje ja' li stak'obile, pe mi ja' vinaj li k'usi mu'yuk te ts'ibabile ja' sk'an xal ti mu'yuk stak'obile. Oy buch'utik chalik xtok ti ja' la cha'pech tone, li jote ik' skoloral, yan li ta jote sak. Va'un, tsjipik li tonetik sventa tsna'beik li stak'obil li k'usi tsjak'ike mi sak k'ot xchibale ja' sk'an xal tana, mi ik' k'ot xchibale, ja' sk'an xal mo'oj, mi jun sak xchi'uk jun ik' k'ote, ja' sk'an xal ti ch'abal

stak'obile. Jun veltae, li Saule bat sk'anbe vokol pale sventa sna' mi chbat stsak ta k'op li filisteatike, pe ch'abal x-ak'bat stak'obil. Ta skoj taje la svul yo'onton, yu'un la snop ti oy junuk svinik ti la sa' smule, ja' yu'un xi la sk'an vokole: «;Kajval, Dios yu'un Israel, tak'avan ta sventa li Tumime!». Va'un ja' k'ot ta stojolal li Jonatan xchi'uk Saule, va'un laj yak'ik suerte sventa sna'ik buch'u junukal ja' ta smul. Li lo'il li'e chak' ta ilel ti jelel li sjak'el ta Tumim xchi'uk li yak'el suertee ak'o mi jech te ono'ox snitoj-be sba sk'oplal (1Sa 14:36-42).

it-1 paj. 969 par. 3

Stiba jun krixchano

Mero bankilal pale ta Israel. Li sts'otobil sjol li mero bakilal pale ta Israele, oy jun lamina ta stiba ti pasbil ta bats'i oro ti solel sts'ayayete ti ja' chak' ta ilel «jun xch'ul senyail ti ak'bil xa ta stojolal Dios», oy k'usi yich'oj ak'bel seyoal ti xi ts'ibabile: «Te likem ta stojolal Jeova li k'usi ch'ule» (Eks 28:36-38; 39:30). Li mero bankilal palee ja' jbabe li ta yich'el ta muk' Jeovae, ja' yu'un sk'an ti lekuk ch'ul li yabtel tspase. Jech xtok, li k'usi ts'ibabil ta lamina ti te pak'al ta sts'otobil sjole, tsvulesbat ta sjol li j-israelietik ti sk'an lek ch'ul ti k'u yelan chich'ik ta muk' li Jeovae. Taje ja' jun sk'elobil ta sventa li mero bankilal pale ti ja' li Jesukristoe xchi'uk ti laj yich' biiltasel yu'un Dios sventa xtun ta paleal xchi'uk ti xch'ultajes li Diose (Ebr 7:26).

w08 15/8 paj. 15 par. 17

Oyuk jlekilal kutsilaltik xkich'tik ta muk' li Jeovae

¹⁷ K'alal ja'o chkich'tik ta muk' li Jeovae, sk'an me lekuk jtalelaltik ti va' ora taje. Xi tsvules ta joltik li Eclesiastés 5:1: «C'alal chabat ta ch'ulna yu'un Diose, q'uelo me aba c'u x'elan chaxanov», xi. Li Moisés xchi'uk Josuee sk'an ono'ox xak'ik ta ilel ti chich'ik ta muk' Dios k'alal chpech'ik li ch'ul balumile, ja' yu'un sk'an slok' xonobik (Eks 3:5; Jos 5:15). Li paleetik ta

Israele sk'an stunes sbik'it vexik ta lino no ti «xc'ot c'alal ta smuc'ul [yo'ike]» (Eks 28:42, 43). Li mantal taje ja' sventa ti mu'yukuk k'usi k'explal xk'ot ta pasel k'alal ja'o chtunik ti bu oy skajleb matanale. Jech noxtok, li yuts' yalal jun palee ja' me jech sk'an spas k'ucha'al chal li tsatsal ch'ul mantaletike xchi'uk ti oyuk yutsil slekilalike.

Jsa'tik lek li k'usitik k'upil sba ta Vivliae

w12 1/8 paj. 26 par. 1-3

¿Mi ana'oja?

Li j-israelietike, ¿bu la staik li k'upil sba tonetik sventa xak'beik ta smack sti' yo'onton li mero bankilal palee?

K'alal lokemik x'a'ox ta Ejipto li j-israelietik xchi'uk ti te xa ox oyik ta takixokol balumile, albatik yu'un Dios k'u yelan sk'an sts'isik li smack sti' o'ontonale (Eks 28:15-21). Sk'an stunesik li k'upil sba tonetik li'e: rubi, topasio, esmeralda, turquesa, safiro, jaspe, **leschem**, agata, amatista, krisolito, onise xchi'uk jade. ¿Bu la staik li k'upil sba tonetike?

Li ta sk'ak'alil vivliae, li k'upil sba tonetike ep xa ono'ox sbalil yu'unik xchi'uk chtunesik sventa chp'olmajik-o. Li j-ejiptoetike te to chich'ik talel ta Irán xchi'uk ta Afganistán o yik'aluk van te to ta India. Jech xtok, te no'ox tslok'esik jlom k'upil sba tonetik ta sminaik li j-ejiptoetike. Li faraonetike ja' yu'un skotol ti bu chlok' li k'upil sba tonetike. Li moltotil Jobe laj yalbe sk'oplal posoetik xchi'uk jombil muk'ta tonetik ti te ch-ech' li vo'e, ja' to'ox te tsa'ik k'upil sba tonetik jech k'ucha'al li safiro xchi'uk li topasio tone (Job 28:1-11, 19).

Li ta slivroal EKSODEE, chal ti k'alal jutuk xa ox sk'an xlok'ik batel ta Ejipto li j-israelietike la spojbeik batel k'usitik k'upilik sba oy yu'unik li j-ejiptoetike (Eks 12:35, 36). Jech oxal, yik'aluk van ja' te la staik tal ta Ejipto li k'upilik sba tonetik ti laj yak'ik ta smack sti' yo'onton li mero bankilal palee.

it-2 paj. 940 par. 6

Ch'ul

Chonbolometik xchi'uk li k'usitik ts'unbile. Li sba yol vakax, chij xchi'uk tentsun ti naka stote ch'ul ta xil li Jeovae xchi'uk mu'yuk chich' tunesel sventa tojob mulil. Ta xich' ak'el ta matanal xchi'uk ta xich' ak'bel jutebuk li paleetik ti yich'ojik ch'ultajesele (Nu 18:17-19). Li sba sat k'usitik ts'unbile xchi'uk li diesmoe toj ch'ul ilbil, jech ilbil xtok li milbil matanaletik xchi'uk skotol li matanaletik chich' ak'el ta temploe (Eks 28:38). Skotol taje ch'ul ta xil li Jeovae xchi'uk mu stak' tunesel ta k'usiuk no'ox o ti mu'yuk lek chich' tunesele. Jun sk'elobile ja' ta sventa li mantal ak'bil ta sventa li diesmoe. Mi oy junuk vinik ta xch'ak sventa xak' ta sdiesmo li trigoe pe mi la stsak o yan buch'u te ta sna la stsak sventa stunes yo' spas-o sve'ele, li krixchano taje mu'yuk xa me la xch'un li mantal yak'oj Dios ta sventa li k'usitik ch'ule. Li mantale chal ti sk'an xak'be sutel xk'exole xchi'uk mas 20%, jech xtok sk'an xak' ta matanal jkotuk tot chij ti mu'yuk ipe. K'alal jech chich' pasel taje, ja' sventa xich' tsakel ta venta li k'usitik ch'ul ti ja' yu'un li Jeovae (Le 5:14-16).

28 YU'UN SEPTIEMBRE-4 YU'UN OK-TUVRE

**K'USITIK K'UPIL SBA TA VIVLIA | EKSODO
29, 30**

«Li matanaletik chkak'betik Jeovae»

it-1 paj. 1231 par. 6

Stsakel biil

Li ta Sinaie. Li ba'yel velta laj yal Jeova ti sk'an stsak sbiik li j-israeletike ja'o k'alal te spasoj skarpanaik ta Sinaie, k'alal ech' xa ox chib jabil xchi'uk chib u SLOK'ELIK li ta Ejiptoe. Sventa xich' koltael li Moisese, laj yich' t'ujel jujun vinik li ta jujuchop nitilulale ti ja' tsk'el xchi'uk tsbain sventa stsakbe sbiik ti k'u yepal jujun nitilulale. Ma'uk no'ox la stsak sbiik li viniketik ti yich'oj

20 sjabilalik o mase (ti xu' xtunik ta soltaroale). Jech xtok, li Mantale chal ti sk'an xak'ik j-o'lol siklo plata (1,10 dolar yepale [E.U.A.]) ti ja' sventa li abtelal chich' pasel li ta axibalnae (Eks 30:11-16; Nu 1:1-16, 18, 19). Ti k'u yepal lok' ta tsakbel sbi ta skotolike ja' 603,550, pe li jlevietike mu'yuk laj yich' tsakbel sbiik yu'un ch'abal xrextoik. Jech xtok, mu'yuk chak'ik patan sventa li axibalnae xchi'uk mu'yuk ch-albatik ti xtunik ta soltaroale (Nu 1:44-47; 2:32, 33; 18:20, 24).

it-1 paj. 547 par. 1

Li k'usitik chich' ak'ele

Li ta Smantal Moisese, chal ti sk'an oy k'usitik xich' ak'ele. K'alal la spas senso li Moises ta stojolal li j-israeletike, li viniketik ti yich'ojik mas ta 20 jabile laj yak'ik j-o'lol siklo plata [ti xu' van 1,10 dolar yepale (E.U.A.)], ja' ti k'u yepal yalal jujun siklo ti bu ch'ul sventa spoj li xkuxlejalike. Ja' ti k'u yepal chak'beik Jeova sventa spoj li xkuxlejalike xchi'uk sventa xich' «tunesel li ta abtelalik chich' pasel ta karpana sventa tsobobbaile» (Eks 30:11-16). Jech k'ucha'al laj yal li j-al lo'il Josefo ti ja' juda vinike (*La Guerra de los Judíos*, libro VII, cap. VI, sec. 6), ta ts'a-kale jech xa lik stojik jujun jabil li ch'ul patane (2Kr 24:6-10; Mt 17:24; k'elo *IMPUESTOS*).

w11 1/11 paj. 12 par. 1, 2

¿Mi ana'oj xa?

¿K'uxi chtoj li k'usitik chich' tunesel li ta templo ta Jerusalene?

Li k'usitik chtun stemplo Jeovae ja' te chich' lok'esel li ta patane. Ma'uk no'ox te chlok' li ta diesmo ti persa k'an xak'ike, yu'un te chlok' xtok li ta yan matanaletik chich' ak'ele. Jun sk'elobile ja'o k'alal meltsaj li axibalnae, li Jeovae laj yalbe Moises ti sk'an xak'ik j-o'lol siklo plata li buch'utik laj yich' tsakbel sbiik li ta senseoe, ti ja' sventa smoton Jeovae (Eks 30:12-16).

Ta tsakale, jech xa lik spasik-o ya'eluk li judaeitik ti sk'an xak' spatanik jujun jabil ta sventa

li temploe. Li patan taje ja' li k'usi laj yalbe sk'oplal Jesus k'alal laj yalbe Pedro ti stoj-o spatanik li tak'in la slok'esbe ta ye choye (Mt 17:24-27).

Jsa'tik lek li k'usitik k'upil sba ta Vivliae

it-2 paj. 294 par. 1

K'obil

Yak'el k'obil. Li buch'u **chak' sk'ob ta stojolal** junuk krixchano o ta jtosuk k'usie ma'uk no'ox sk'an xal ti chpikvane, yu'un ep k'usi smakojbe sk'oplal. K'alal jech chich' pasele, chak' ta ilel ti lek chich' ilel o ti chich' t'ujele. K'alal laj yich'ik va'anel ta paleal li Aaron xchi'uk xnich'nabtakte, laj yak' sk'obik ta sjol tot vakax xchi'uk ta sjol li cha'kot tot chije, taje ja' sventa xak'ik ta ilel ti ja' sventaik li matanal chich' ak'ele xchi'uk ti laj yich'ik va'anel ta paleal yu'un Jeovae (Eks 29:10, 15, 19; Le 8:14, 18, 22). K'alal la st'uj Moises sventa xk'ot ta xk'exol li Josuee, laj yak' sk'ob ta stojolal, va'un ayan «**lek sp'ijil**» sventa lekuk sbeiltas li jteklum Israele (Dt 34:9). Jech xtok, chak' sk'obik ta stojolal jun krixchano k'alal chak'beik bendisione (Je 48:14; Mr 10:16). Li Jesus eke laj yak' sk'ob o la spik junantik krixchanoetik ti la xpoxtaane (Mt 8:3; Mr 6:5; Lu 13:13). Bateltik xtoke, li jtakboletike laj yak' sk'obik ta stojolal junantik krixchanoetik sventa xich'ik li ch'ul espiritu (Ech 8:14-20; 19:6).

it-2 paj. 1171 par. 1

T'ujbil, st'ujel

Li ta mantal ak'bat Moisese, te laj yich' albel k'usitik skap chich' li aseite sventa xich' t'ujel junuk krixchanoe. Li skaptak yich'oje ja' mirra, kanela ti mu tajek yik'e, kalamo ts'i'lel ti mu tajek yik'e, kasia te' xchi'uk s-aseiteal oliva (Eks 30:22-25). Li buch'u ta jech no'ox tspas li aseite ti mu'yuk ak'bil permisoe xchi'uk ti tstunese, chich' milel (Eks 30:31-33). Li aseite taje chak' ta ilel ti tsots sk'oplal xchi'uk ch'ul k'alal oy buch'u chich' va'anel ta spasel jtosuk abtelale.

